





水經卷第二

漢桑欽撰

後魏酈道元注

漾水

丹水

漾水出隴西氐道縣蟠塚山東至武都沮縣為漢水常璩華陽國記曰漢水有二源東源出武都氐道縣漾山為漾水禹貢道漾東流為漢是也西原出隴西蟠冢山會泉逕葭萌入漢始源曰沔按沔水出東狼谷逕沮縣入漢漢中記曰蟠塚以東水皆東流蟠塚以西水皆西流即其地勢源流所歸故俗以蟠塚為分水嶺即此推沔水無西入之理劉澄之云有水從沔陽縣南至梓潼漢壽入大穴暗通罝山郭景純亦言是矣罝山穴小本不容水水

成大澤而流與漢合庾仲邕又言漢水自武遂川南入蔓葛谷越野牛逕至開城合西漢水故諸言漢者多言西漢水至葭萌入漢又曰始源曰沔是以經云漾水出氐道縣東至沮縣爲漢水東南至廣魏白水診其公注似與三說相符而未極西漢之源矣然東西兩川俱受沔漢之名者議或在茲矣班固地理志曰司馬彪袁崧郡國志並言漢有二源東出氐道西出西縣之蟠冢山闕駟云漾或爲漾漾水出崑崙西北隅至氐道重源顯發而爲漾水又言隴西縣蟠冢山在西西漢水所出南入廣魏白水又云漾水出獮道東至武都入漾詩慎呂忱並言漾水出隴西獮道東至武都爲漢水不

言氐道然獮道在異之西北又隔諸川無水南入疑出獮道之爲謬矣又云漢漾也東爲滄浪水山海經曰蟠冢之山漢水出焉而東南流注于江然東西兩川俱出蟠冢而同爲漢水者也孔安國曰泉始出爲漾其猶濛耳而常璩專爲漾山漾水當是作者附而爲山水之殊目矣余按山海經漾水出崑崙西北隅而南流注于配塗之水穆天子傳曰天子自春山西征至于赤烏氐已卯北征庚辰濟于洋水辛巳入于曹奴人戲觴天子于洋水上乃獻良馬九百牛羊七千天子使逢固受之天子乃賜之黃金之鹿戲乃膜拜而受余以大和中從高祖北巡狄人猶有此獻雖古今世殊而所貢

不異然川流隱伏卒難詳照地理潛閔變通無方
復不可全言闕氏之非也雖津流派別枝渠勢懸
原始要終潛流或一故俱受漢漾之名納方士之
稱是其有漢川漢陽廣漢漢壽之號或因其始或
據其終縱異名互見猶爲漢漾矣川共目殊或亦
在斯今西縣蟠冢山西漢水所導也然微涓細注
若通纂歷津注而巴西流與馬池水合水出上邽
西南六十餘里謂之龍淵水言神馬出水事同徐
吾來淵之異故因名焉開山圖曰隴西神馬山有
淵池龍馬所生卽是水也其水西流謂之馬池川
又西流入西漢水西漢水又西南流左得蘭渠溪
水次西有山黎谷水次西有鉄谷水次西有石鏡

谷水次西有南谷水並出南山楊湍北注右得高
望谷水次西得西溪水次西得黃花谷水咸出北
山飛波南入西漢水又西南資水注之水北出資
川導源四壑南至資峽總爲一水出峽西南流注
西漢水西漢水又西南得峽石水口水出苑亭曰
草里谷三溪西南至峽石口合爲一瀆東南流屈
而南注西漢水西漢水又西南合陽廉川水水出
西谷衆川瀉流合成一川東南流逕南縣故城北
秦莊公伐西戎破之周宣王與其大略大丘之地
爲西垂大夫亦西垂官也王莽之西治矣建武八
年世祖至陽河竇融等悉會天水震動隗躡將妻
子奔西城從楊廣廣死躡愁窮城守時潁川賊起

車駕東歸留吳漢岑彭圍蹇岑等壅西谷水以縑
慢盛土爲堤灌城城未沒丈餘水穿壅不行地中
數丈涌出故城不壞請蜀救至漢等退上邽但廣
廉字相狀後人因以人名名之故習僞爲楊廉也
置楊廉縣焉又東南流右會茅川水水西南戎溪
東北流逕戎丘城南吳漢之爲西城王捷登城向
漢軍曰爲隗王城守者皆必死無二心願諸將亟
罰請自殺以明之遂刎頸而死又東北流注西谷
水亂流東南入于西漢水西漢水又西南逕始昌
峽始昌縣故城西晉書地道記曰天水始昌縣故
城西也亦曰清崖峽西漢水又西南逕巖備戍南
左則巖備水自東南西北注之右則鹽官水南入

焉水有鹽官在嶓冢西五十許里相承管煮不輟
味與海鹽同故地理志云西縣有鹽官是也其水
東南逕巖備戎西東南入漢水漢水又西南左谷
水水出南山窮溪北注漢水又西南蘭軍水出於
西北至交谷東南歷郊山軍東南入漢水漢水又
西南逕祁山軍南雞水南出雞谷北逕水南縣西
北流注于漢漢水又西建安川水入焉其水導源
建威西北山白石戍東南二源水合注東逕建成
城南又東與蘭坑水會水出西南近溪東北逕蘭
坑城西東北注建安水建安水又東逕蘭坑城北
建安城南其地故西縣之歷城也楊定自隴右徙
治歷城卽此處也去仇池一百二十里後改爲建

安城其水又東合錯水水出錯水戍東南而東北入建安水建安水又東北有雉尾谷水又東北有太谷水又北有小祁山水並出東溪楊波西注又北左會胡谷水水西出胡谷東逕金盤歷城二軍北軍在水南層山上其水又東注建安水建安水又東北逕塞峽元嘉十九年宋太祖遣龍驤將軍裴方明伐楊難當將妻子北奔安西參將魯尚期追出塞峽卽是峽矣左山側有石穴洞入言潛通下辨所未許也其水出峽西北流注漢水漢水北連山秀舉羅峯兢峙祁山在幡冢之西七十里罡山上有城極爲巖固昔諸葛亮攻祁山卽斯城也漢水逕其南城南三里有亮故壘壘之左右猶豐

茂宿草蓋亮所植也在上邽西南二百四十里關山圖曰漢陽西南有祁山溪徑委迤山高巖嶮九州之名岨天下之奇峻今此山於衆阜之中亦非爲傑矣漢水又西南與申谷水合水出西南甲谷東北流注漢水漢水又西逕南岸北中岸之上下有二城相對左右墳壠低仰亘山被阜古詩云南岸北岸萬有餘家諸葛亮表言祁山縣云沮五百有民萬戶矚其丘墟信爲殷矣漢水西南逕武植戍南武植戍水發北山二源奇發合于安民戍南又南逕武植戍西而西南流注漢水漢水又西南逕平夷戍南又西南夷水注之水出北山南逕其戍西南入漢水漢水又西逕蘭倉城南又南右會

兩溪俱出西山東流注於漢水張華博物志云溫水出烏鼠山下注漢水疑是此水而非所詳也漢水又南入嘉陵道而爲嘉陵水然世俗名之爲皆陵水非也漢水又東南名得北谷水東南得城階水又東南得倉谷水右三水並出西溪東流注漢水漢水又東南逕瞿堆西又屈逕瞿堆南絕壁峭峙孤嶮雲高望之形若覆壺其高二十餘里羊腸蟠道三十六迴開山圖謂之仇夷所謂積石嵯峨嶽岑隱阿者也有平田百頃煮土成鹽因以百頃爲號山上豐水泉所謂清泉湧沸潤氣上流者也漢武帝元鼎六年開以爲武都郡大池大澤在西故都爲目矣王莽更名樂平郡縣曰循虜縣常

璩范曄云郡居河池一名仇池池方百頃即指此也左右悉白馬氏矣漢獻帝建安中有大水氏揚勝者世居隴右爲氏大師子駒勇健多計徙居仇池魏拜爲百頃氏王漢水又東合洛谷谷有二源合同注一壑於神蛇戍西左右山溪多五色蛇性馴良不爲物毒洛谷水又南逕虎楨戍東又南逕仇池郡西瞿堆東西南入漢水漢水又東合洛漢水水北發洛谷南逕威武戍南又西南與龍門水合水出西北龍門谷東流與橫水會東北窮溪卽水源也又南逕龍門戍東又東南入洛漢水又東南逕上祿縣故城西脩源濬導逕引北溪南總兩川單流納漢漢水又東南逕濁水城南又東南會

平樂水水出武階東北四十五里更馳南溪導東北源流山側有甘泉涌激飛清下注平洛水又逕甘泉戍南又東逕平洛戍南又東入漢謂之會口漢水東南逕脩城道南與脩水合水總二源東北合漢漢水又東南於槃頭郡南與溜水合水出濁城北東流與丁令溪水會其水北出丁令谷南逕武街城西東南入濁水濁水又東逕武街城南故下辨縣治也李倉李稚以氐王楊敵堅妻死葬陰平襲街武為氐所殺於此矣今廣業郡治濁水又東宏體休注之水北出溪南逕武街城東而南流注于濁水濁水又東逕白石縣南續漢書曰虞詡為武都太守下辨東三十餘里有峽中白水主

大石障塞水流春夏輒潰溢敗壞城郭詡使燒石以水灌之石皆淬裂因鑄去焉遂無泛溢之害濁水即白水之異名也濁水又東南渥陽水北出渥谷南逕白石縣東而南入濁水濁水又東南與仇鳩水合水發鳩溪南逕河池縣故城西王莽之樂平亭也其水西南流注濁水濁水又東南與河池水合水出河池北谷南逕河池戍東西南入濁水濁水東南兩當水注之水出陳倉縣之大散嶺西南流入故道川謂之故道水西南逕故道城東魏征仇池築以置戍與馬鞍山水合水東出馬鞍山歷谷西流至故道城東西入故道水西南流北川水注之水出北洛櫛山南南流逕唐倉城下南至

困冢川入故道水故道水又西南歷廣香交合廣香川水水出南田縣利喬山南流至廣香川謂廣香川水又南注故道水謂之廣香交故道水又西南入秦岡山尚婆水注之山高入雲遠望增狀若嶺紆曦軒峯柱月駕矣懸崖之側列壁之上有神象若圖指狀婦人之容其形上赤下白世名之曰聖女神至於福應愆違方俗是祈水源北出利喬山南逕尚婆川謂之尚婆水歷兩當縣之尚婆城南魏故道郡治也西南至山入故道水故道水右又合黃盧山水水出西北天水郡黃盧山腹歷谷南流交注故道水故道水南入東益州之廣業郡界與沮水枝津合謂之兩當溪水上承武都沮縣

之沮水瀆西南流注于兩當溪虞詡爲郡漕穀布在沮從沮縣至下辨山道嶮絕水中多石舟車不通驢馬負運僦五致一詡乃於沮受僦直約自致之卽將吏民按行皆燒石櫛木開漕船道水運通利歲省萬計以其僦廩與吏士年四十餘萬也又西南注于濁水濁水南逕槃頭郡東而南合鳳溪水水上承濁水於廣業郡南逕鳳溪中有二石雙高其形若闕漢世有鳳凰止故謂之鳳凰臺北去郡三里水出臺下東南流左注濁水濁水又南注漢水漢水又東南歷漢曲逕挾崖與挾崖水合水西出檐潭交東流入漢水漢水又東逕武興城南又東南與北谷水合水出武興東北而西南逕武

興城北謂之北谷水南轉逕其城東而南與一水
合水出東溪西流注北谷水又南流注漢水漢水
又西南逕關城北除水出西北除漢東南流入于
漢漢水又西南逕通谷通谷水出東北通溪上承
漾水西南流爲西漢水漢水又西南寒水注之水
東出寒川西流入漢漢水又西逕石亭戍廣平水
西出百頃川東南流注漢又有平阿水東山西流
注漢水漢水又逕晉壽城西而南合漢壽水水源
出東山西逕東晉壽故城南而西南入于漢水也
又東南至廣魏白水縣西又東南至葭萌縣東北與
羗水合

白水西北出于臨洮縣西南西傾山水色白濁東

南流與黑水合水出羗中西南逕黑水城西又西
南入白水白水又東逕洛和城南洛和水西南出
和溪東北流逕南黑水城西而北注白水白水又
東南逕鄧至城南又東南與大夷祝水合水出夷
祝城西南而窮溪北注夷水又東北合羊洪水出
東南羊溪西北逕夷祝城東又西北流屈而東北
注于夷水夷水又東北入白水白水又東與安昌
水會水源發衛大西溪東南逕鄧至安昌郡南又
東南合無累水無累水出東北近溪西南入安昌
水安昌水又東南入白水白水又東南入陰平得
東維水水出西北維谷東南逕維城西東南入白
水白水又東南逕陰平故城南王莽更名推虜矣

卽廣漢之北部也廣漢屬國都尉治漢平帝永初三年分廣漢蠻夷置有白馬水出長松縣西南而白馬漢東北逕長松縣北而東北注白水白水又東逕陰平大城北蓋其渠帥自故城徙居也白水又東偃庶水出西南偃溪東北流逕偃城西而東北流入白水白水又東逕偃城北又東北逕橋頭昔姜維之將還蜀也雒州刺史諸葛緒邀之於此後期不及故維得保劔閣而鍾會不能入也白水又與羗水合自下羗水又得其通稱矣白水又東逕郭公城南昔郭淮之攻寥化於陰平也築之故因名焉白水又東雒川水出西南雒漢東北注白水白水又東合空冷水傍溪西南窮谷卽川源也

白水又東南與南五部水會水有二源西源出五部溪東南流東源出郎谷西南合南注白水白水又東南逕建陽郡東而北與一水合二源同注共成三溪西南流入于白水白水又東南逕白水縣故城東卽白水郡治也經云漢水出其西非也白水又東南與西谷水相得水出西溪東流逕白水城南東南入白水白水又南左會東流水東入極溪便卽水源也白水又南逕興城東又東南左得刺稽水口溪東北出便水源矣白水又東南清水左注之庾仲雖曰清水自邪山來合白水斯爲孟浪也水出於平武郡東北矚累亘下南逕平武城東屈逕其城南又西歷平洛郡東南屈而南逕南

陽僑郡東北又東北逕新巴縣東北又東南逕始平僑郡南又東南逕小劔戍北四去大劔三十里連山絕嶮飛閣涌衢故謂之劔閣也張載銘曰一人守嶮萬夫赴起信然故李特至劔閣而嘆曰劉氏有如此地而面縛於人豈不奴才也小劔水西南出劔谷東北流逕其戍下入清水清水又東南注白水白水又東南於吐費城南即西晉壽之東北也東南流注漢水西晉壽即蜀王弟葭萌所封為葭侯邑故遂城為葭萌矣劉備改曰漢壽太康中又曰晉壽水有津關段元章善風角弟子歸元章封簡藥授之曰路有急難開之生到葭萌從者與津吏諍打傷其破頭者可以此藥裹之生乃嘆

服還卒業焉亦廉叔度抱父柩自沈處也

又東南過巴郡閬中縣

巴西郡治也劉章之分三巴此其一焉闕駟曰强水出陰平西北强山一曰强川姜維之還也鄧艾遣天水太守王頎敗於强曰即是也其水東北逕武都陰平梓潼南安入漢水漢水又東南逕津渠戍東又南逕閬中縣東閬水出閬陽縣而東逕其縣南又東注漢水昔劉璋之攻霍峻於葭萌也自此水上張達范强害張飛於此縣漢水又東南得東水口水出巴嶺南歷獠中謂之東遊水李壽之時獠自牂牁北入所在諸郡布在山谷其水西南逕宋熙郡東又東南逕平城東又東南逕巴西郡

東又東入漢水漢水又東與濩溪水合水出獠中
世亦謂之爲清水也東南流注漢水漢水又東南
逕宕渠縣東又東南合宕渠水水西北出鄭縣南
巴嶺與槃余水同源派注南流謂之北水東南流
與難水合水出東北巴山西南注之又東南流逕
宕渠縣謂之宕渠水又東南入漢
又東南入漢州江津縣東南入于江
涪水注之故仲雍謂涪內水者也
丹水出京兆上洛縣西北冢嶺山
名高猪山也丹水東南流與清池水合水源東北
出清池山西南流入于丹水
東南過其縣南

縣故蜀京兆晉分爲郡地通記曰郡在洛上故以
爲名竹書紀年晉烈公三年楚人伐我南鄙至于
上洛楚水注之楚水出上洛縣西南楚山昔四皓
隱于楚山卽此山也其水兩源合舍於四皓廟東
又東逕高車嶺南翼帶衆流北轉入丹嶺上有四
皓廟丹水自倉野又東歷兔和山卽春秋所謂左
師軍於兔和右師軍于倉野者也

又東南過商縣南又東南至于丹水縣入于洧
契始封商魯連子曰在太華之陽皇甫謐闕駟並
以爲上洛商縣也殷湯之名起於此矣丹水自商
縣東南流注歷少習出武關應劭曰秦之南關也
通南陽郡春秋左傳哀公四年楚左司馬使謂陰

地之命大夫士蕤曰晉楚之盟好惡同之不然將
通於少習以聽命者也京相璠曰楚通上洛阨道
也漢祖下浙酈攻武關文穎曰武關右浙縣西一
百七十里弘農界也丹水又東南流入曰口歷其
戍下又東南浙水出浙縣西北弘農盧氏縣大蒿
山南流逕脩陽縣故城北縣卽浙之北鄉也又東
入浙縣統結成潭謂之龍淵清深神異者舊傳云
漢祖入關逕觀是潭其下若有府舍焉事旣非恒
難以詳矣其水又東逕其縣故城北蓋春秋之白
羽也左傳昭公十八年楚使王子勝遷許於浙是
也郭仲產云相承言此城漢高所築非也余按史
楚襄王元年秦出武關斬衆五萬取浙一十五城

漢祖入關亦言下浙酈非無城之言循之則可矣
浙水又歷其縣東王莽更名縣爲古亭也而南流
入丹水縣注于丹水故丹水會洑有浙口之稱丹
水又東南逕一故城南名曰三戶城昔漢祖入關
至陵起兵丹水以歸漢祖此城疑陵所築也丹水
昔楚申息之師所戍也春秋之三戶矣杜預曰縣
北有三戶亭竹書記年曰士寅孫何侵楚入三戶
郭者是也水出丹魚先夏至十日夜伺之魚水郭
側赤光上照如火網而取之割其血以塗足可以
步行水上長居淵中丹水東南流至其縣南黃水
出北予山黃谷南逕丹水縣南注于丹水黃水北

有墨山山石悉黑績彩奮發黝焉若墨故謂之墨山今河南新安縣有石墨山斯其類也丹水南有丹崖山山悉頽壁霞舉若紅雲秀天二岫更爲殊觀矣丹水又南逕南鄉縣故城東北漢建安中割南陽石壤爲南鄉郡逮晉封宣帝孫暢爲順陽王因爲立順陽郡而南鄉爲縣舊治鄧城永嘉中丹川浸沒至永和中徙治南鄉故城城南門外舊有郡社栢樹大三十圍蕭欣爲郡伐之言有大蛇從樹腹中墜下大數圍長三丈羣小蛇數十隨入南山聲如風雨伐樹之前見夢於欣欣不以厝意及伐之吏少日果死丹水又東逕南鄉縣北興寧末太守王靡之改築令城城北平據在水中左右夾溪深長及春夏水漲望若孤洲矣城前有晉順陽太守丁穆碑郡民范甯立之丹水逕流兩縣之間歷於中之北所謂商於者也故張儀說楚絕齊許以商於之地六百里謂以此矣呂氏春秋曰堯有丹水之戰以服南蠻卽此水也又南合洧水謂之浙水

水經卷第二十

深松列植筠栢交蔭尹公度之所栖神處也又東
屆堯山西嶺下水流兩分一水東逕堯山南爲滢
水也即經所言滢水出堯山矣一水東北出爲汝
水歷蒙栢谷左右岫壑爭深山阜競高夾水層松
茂栢傾山蔭渚故世人以名也津流不已北歷長
白沙口狐白溪水注之夾岸沙漲若雪因以取名
其水南山狐白川北流注汝水又東北趣狼臯山
者也

東南過其縣北

汝水自狼臯山東出峽謂之汝阨也東歷麻解城
北故鄆鄉城也謂之蠻中左博所謂單浮餘圍蠻
氏蠻氏潰者也杜預曰城在河南新城縣之東南

伊洛之戎陸渾蠻氏城也俗以爲麻解城非也蓋
蠻麻讀聲近故也汝水又逕周平城南京相璠曰
霍陽山在周平城東南者也汝水又東與三屯谷
水合水出南山北流逕石碣東柱側刊云河南界
又有一碣題言洛陽南界碑柱相對旣無年月竟
不知何代所表也其水又北流注于汝水汝水又
東與廣成澤水合水出狼臯山北澤中安帝永初
元年以廣成遊獵地假與貧民元初二年鄧太后
臨朝鄧騭兄弟輔政世士以爲文德可興武功宜
廢寢蒐狩之禮息戰陣之法于時馬融以文武之
道聖賢不墜五才之用無或可廢作廣成頌云大
漢之初基也揆厥靈囿營于南郊右轡三塗左枕

嵩嶽面據衡陰箕背王屋浸以波濞演以榮洛金山石林殷起乎其中神泉側出丹水涅池怪石浮磬耀焜于其陂桓帝延熹元年校獵廣成遂幸函谷關其水自澤東南流逕溫泉南與溫泉水合溫水殷源揚波於川左泉上華宇連陰茨薨交池石沼錯落其間順道者多歸之其水東南流注廣成澤水澤水又東南入于汝水汝水又東得魯公水口水上承陽人城東魯公陂城古梁之陽人聚也秦滅東周徙其君於此陂水東南流合乎澗水水出北山南流注之又亂流注于汝水汝水之右有霍陽聚汝水逕其北東合霍陽山水水出南山杜預曰河南梁縣有靈山者也其水東北流逕霍陽

聚東世謂之華浮城非也春秋左傳哀公四年楚侵梁及霍服虔曰梁霍周南鄙也建武二年世祖遣征虜將軍祭遵攻蠻中山賊張滿時厭新栢華餘賊合攻得霍陽聚即此水又逕梁城西按春秋周小邑也於戰國爲南梁矣故經云汝水逕其縣北俗謂之治城也非以北有注城故也今置治城縣治霍陽山水又東北流注于汝水汝水又右合三里水水北出梁縣西北而東南流逕其縣故城西故單孤聚也地理志云秦滅西周徙其君於此因乃縣之杜預曰河南縣西南有梁城即是縣也水又東南逕注城南司馬彪曰河南梁縣有注城史記魏文侯三十二年敗秦于注者也又與一水

合水發注城東坂下東南流注三里水三里水又
亂流入于汝汝水又東逕城安縣故城北按地理
志潁川郡有成安縣侯國也史記建元以來功臣
侯者年表曰漢武帝元朔五年校尉韓千秋擊南
城死封其子韓延年為成安侯即此邑矣世謂之
白泉城非也俗謬耳汝水又東為周公渡藉承休
之徽號而有周公之嘉稱也汝水又東黃水注之
水出梁山東南逕周承休縣故城東為承休水縣
故子南國也漢武帝元鼎四年幸潁陽巡省豫州
觀于周室邈而無祀詢問耆老乃得孽子嘉封為
周子南君以奉周祀按汲冢古文謂衛將軍文子
為子南彌矣其後有子南勁紀年勁期于魏後

成王如衛命子南為侯秦并六國衛最後滅疑嘉
是衛後故氏子南而稱君也初元五年為周承休
邑地理志曰侯國也元帝置元始二年更曰鄭公
王莽之嘉莢也故汝渡有周公之名蓋籍邑以納
稱也謂之黃城水曰黃水皆非也其水又東南逕
白茅臺東又南逕梁瞿鄉西世謂之期城非也按
漢書世祖自潁川在梁瞿鄉馮魴先詣行所即是
邑也水積為陂世謂之黃陂東轉逕其城南東流
右合汝水

又東南潁川郟縣南

汝水又東與張磨泉合水發北阜春夏水盛則南
注汝水汝水又東分為西長湖湖水南北五十餘

步東西三百步汝水又東扈澗水北出大劉山南
逕水蓼堆東邾城西南流入于汝汝水又右迤爲
湖湖水南北八九十步東西四五百步俗謂之東
長湖湖水下入汝古養水也水出魯陽縣北將孤
山北長岡下數泉俱發東歷永仁三堆南又東逕
沙川世謂之沙水歷山符壘北又東逕沙亭南故
養陰里也司馬彪郡國志曰襄城有養陰里京相
璠曰在襄城邾縣西南養水名也俗以是水爲沙
水故亦名之爲沙城非也又城處水之陽而以陰
爲稱更用惑焉但流雜閒居梨溉平移致令川渠
異容津途狀改故物望疑焉又右會董溝水水出
沛公壘西六十許步蓋漢祖入關往征是由故

擅斯目矣其水東北注養養水又東北入東長迪
湖亂注汝水縣汝水又逕邾縣故城南春秋昭公
十九年楚令尹子瑕之所城也激水注之水出魯
陽縣之將孤山東南流許慎云水出南魯陽入父
城從水敖聲呂忱字林亦言在魯陽激水東入父
城縣與栢水會栢水出魯陽北山水有二源竒導
於賈復城合爲一瀆逕賈復城北復南擊郟所築
也俗語訛謬謂之寡婦城水曰寡婦水北瀆水有
窮通故有枯渠之稱焉其水東北流至父城縣北
右注激水亂流又東北至邾入汝汝水東南左合
藍水水出陽翟縣重嶺山東南流逕紀氏城西有
增臺記紀氏臺續漢書曰世祖車駕西征盜賊羣

起邾令馮魴爲賊延哀所坎力屈上諸紀氏羣賊
自降即是處在邾城東北十餘里其水又東南流
逕黃阜東而南入汝水汝水又東南流又與白溝
水合水出亭城西而南逕夏亭城西又南逕龍城
西城西北即摩陂也縱廣可一十五里魏青龍元
年有龍見于邾之摩陂明帝幸陂觀龍於是改摩
陂曰龍陂其城曰龍城其水又南入于汝水又東
南與龍山水會水出龍山龍溪北流際父城縣故
城東昔楚平王大城城父以居太子建故杜預曰
即襄城之城父縣也馮異據之以降世祖用報巾
車之恩也其水又東北流與二水合俱出龍山北
流注之又東北入于汝水汝水又東南逕襄城縣

故城南王隱晉書地道記曰楚靈王築劉向說苑
曰襄城君始封之曰服翠衣帶玉佩徒倚於流水
之上即是水也楚大夫莊辛所說處後乃縣之呂
后元年立孝惠後宮子弘爲侯國王莽更名相成
也黃帝嘗遇牧童於其野故嵇叔夜讚曰竒矣難
測襄城小童倦遊六合來憇茲邦也其城南對汜
城周襄王出鄭居汜即是地城也春秋襄公二十
六年楚伐鄭涉汜而歸杜預曰涉汝水於汜城下
也晉襄城郡治京相璠曰周襄王居之故曰襄城
也今置關於其下汝水又東南流逕西不羹城南
春秋左傳昭公十二年楚靈王曰昔諸侯遠我而
畏晉今我大城陳蔡不羹賦皆千乘諸侯其畏我

平東觀漢記曰車騎馬防以前參藥勤勞省闕增
封侯國襄城羹停千二百五十戶即北亭也汝水
又東南逕繁丘城南而東南出也

又東南過定陵縣北

湛水出隼縣北魚齒山西北東南流歷魚齒山下
為湛浦方五十餘步春秋襄公十六年晉伐楚報
楊梁之役楚公子格及晉師戰于湛阪楚師敗績
遂侵方城之外今水北悉枕翼山阜於父城東南
湛水之北山有長陂蓋即湛水以名陂故有湛陂
之名也湛水又東南逕蒲城北京相潘曰昆陽縣
北有蒲城蒲城北有湛水者是也漢水又東於汝
水九曲北東入汝杜預亦以是水為湛水矣周禮

荊州其浸潁湛鄭玄云未聞蓋偶有不照也今考
地則不乖其土言水則有符經文矣汝水又東南
逕定陵縣故城北漢成帝元延三年封侍中衛尉
淳于長為侯國王莽更之定城矣東觀漢記曰光
武繫王莽二公還到汝水上於涯以手飲水澡頰
塵垢謂傳後曰今日疲倦諸君寧憊也即是水也
水右則滢水左入焉左則百尺溝出矣溝水夾岸
層崇亦謂之為百尺堤也自定陵城北通潁水於
襄城縣潁盛則南播汝佚則北注稱之東有澄潭
號曰龍淵在汝北四里許南北百步東西二百步
水至清深嘗不耗竭佳饒魚筍湖溢則東注潏水
矣汝水又東南昆水注之水出魯陽縣唐山東南

流逕昆陽縣故城西更始元年王莽徵天下能爲
兵法者選練武衛招募猛士旌旗輜重千里不絕
又驅諸獷獸虎豹犀象之屬以助威武自秦漢出
師之盛未嘗有也世祖以數千兵激之陽闕諸將
見尋邑兵盛反走入昆陽世祖乃使成國上公王
鳳廷尉大將軍王常留守夜與十三騎出城南門
收兵於鄧尋邑圍城數千重雲車十餘丈瞰臨城
積弩亂發矢下如雨城中人負戶而汲王鳳請降
不許世祖帥營部俱進頻破之乘勝以敢死三千
人徑衝尋邑兵敗其中堅於是水之上遂殺王尋
城中亦鼓譟而出中外合勢震呼動天地會大雷
風屋瓦皆飛莽兵大潰昆水又屈逕其城南世祖

建武中封侍中傅俊爲侯國故後漢郡國志有昆
陽縣蓋藉水以氏縣也昆水又東逕定陵城南又
東注汝水汝水又東南逕奇雒城西北今南潁川
郡治也潁水出焉世亦謂之大潁水爾雅曰河有
雍汝有潁然則潁者汝別也故其下夾水之邑猶
流汝陽之名是或潁潁之聲相近矣亦或下合潁
潁兼統厥稱耳

又東南過鄧縣北

汝水逕奇頌城西東南流其城衿帶兩水側背雙
流汝又東南流逕鄧城西東南流其城衿帶兩水
縣故城北故魏下邑也史記楚昭陽伐魏取鄧是
也汝水又東得醴口水水出南陽雒山亦云導源

雒衡山即山海經云衡山也郭景純以爲南嶽非也馬融廣成頌曰面據衡陰指謂是山在雒縣界故世謂之雒衡山依山海經不言有水焉然醴水東流歷唐山下即高鳳所隱之山也醴水又東南與臯水合水發臯山郭景純或作章山東流注于醴水醴水又東南逕唐城北南入城而西流出城城蓋因山以即稱矣醴水又屈而東南流逕葉縣故城北春秋昭公十五年許遷于葉者也楚盛周衰控霸南土欲爭強中國多築列城於北方以逼華夏故號此城爲萬城或作方字唐勒奏土論曰我是楚也世霸南土自越以至葉垂弘境萬里故號曰萬城也余按春秋屈完之在邵陵對齊侯曰

楚國方城以爲城杜預曰方城山名也在葉南未詳孰是楚惠王以封諸梁子號曰葉公城即子高之故邑也葉公好龍神龍下之河東王喬之爲葉令也每月望常自詣堂朝帝怪其來數而不見車騎顯宗密令太史何望之言其臨至輒有雙鳧從東南飛來於是候鳧至舉羅張之但得一隻鳧乃詔尚方診視則四年中所賜尚書官屬履也每當朝時葉門下鼓不擊自鳴聞於京師後天下玉棺於堂前吏民推排終不搖動喬曰天帝獨欲召我耶乃沐浴服飾寢其中蓋使立覆宿昔葬於城東土自成墳其夕縣中牛皆流汗喘乏而人無知者百姓爲立廟號葉君祠牧守每班錄皆先謁拜之

吏民祈禱無不如應若有違犯亦立能為祟帝乃
迎取其鼓置都亭下略無復聲焉或云即古仙人
王喬也是以于氏書之於神化醴水又逕其城東
與燒車水合水西出苦菜山東流側葉城南而下
注醴水醴水又東逕葉公廟此廟前有公子高諸
梁碑舊秦漢之世廟道有雙闕几庭黃中之亂殘
毀頌闕魏大和景初中令長脩飾舊宇後長汝南
陳晞以正始元年立碑碑字破落遺文殆存事見
其碑醴水又東與葉西陂水會縣南有方城山屈
完所謂楚以方城以為城者也山有湧泉北流畜
之以為陂故塘方二里陂水散流又東逕葉城南
而東北注醴水醴水又東注葉陂陂東西十里南

北七里二陂並諸梁之所竭地陂水又東逕濼陽
縣故城北又東定陵城南東與芹溝合其水導源
葉縣東逕濼陽城北又東逕定陵縣南入東南流
注醴其水逕流昆醴之間纏絡四縣之中疑即呂
忱所謂澗水也今於定陵更無別水唯是水可當
之澧水東逕鄧縣故城南左入汝山海經曰澧水
東流注于澗水也汝水又東南流逕鄧城西春秋
左傳桓公二年蔡侯鄭伯會于鄧者也汝水又東
南流濼水注之

又東南過汝南上蔡縣西

汝南郡楚之別也漢高帝四年置王莽改郡曰汝
濱縣故蔡國周武王剋殷封其弟叔度於蔡世本

曰上蔡也九江有下蔡故稱上竹書紀年曰魏章率師及鄭師伐楚取上蔡者也建安元年安帝封鄧騭爲侯國汝水又東逕玄瓠城北王智深云汝南太守周昶起義於玄瓠者是矣今豫州刺史汝南郡治城之西北汝水枝別左出西北流又屈西東轉又西南會汝形若垂瓠者彥云城北名焉灣中有地數頃土有栗園栗小殊不並固安之實也然歲貢三百石以充天府水渚卽栗州也樹木高茂望若屯雲積氣矣林中有栗堂射埽甚開敞牧宰及英彥多所遊薄其城上西北隅高祖以太和中幸懸瓠平南王肅起高聲於小城建層樓於隅阿下際水渴降栗渚左右列榭四周參差競踣奇

爲嘉觀也

又東南過平與縣南

一作平興

溱水出浮石嶺北青衣山亦謂之表衣水也東南逕朗陵縣縣故西應劭曰西南有朗陵山縣以氏馬世祖建武中封城門校尉城宮爲侯國也溱水又南屈逕其縣南又東北逕北宜春縣故城北至王莽更名之爲宣孱也豫章有宜春故加此矣永元三年安帝封后父侍中閻暢爲侯國溱水又東北逕馬香城北又東北入汝汝水又東南逕平與縣南安成縣故城北王莽更名至成也漢武帝元光六年封長沙定王子劉倉爲侯國矣汝水又東南汶水注之水首受慎水於慣陽縣故城南陂陂

水兩分一水自陂北退慎陽城四固城塹潁川荀
淑遇縣人黃叔度於逆旅與語移曰曰子吾師表
也范曄論曰黃憲言論風旨無所傳文然士君子
見之者靡不深服遠去疵吝將以道周性全無得
而稱乎塹水又自瀆東北流注七陂一水自陂東
北流積爲同陂陂水又東北又結而爲陂世謂之
窖陂陂水上承慎陽縣北陂東北流積爲而土陂
陂水又東爲窖陂陂水又東南流注壁陂陂水又
東北爲太陂陂水又東入汝汝水又東南逕平陵
亭北又東南逕陽遂鄉北汝水又東逕樂亭北春
秋之棘櫟也杜預曰汝陰新蔡縣東北有櫟亭今
城在新蔡故城西北半淪水汝水城北又東南逕

新蔡縣故城南昔管蔡間王室故蔡叔而遷之
子胡能率德易行周公舉之爲魯卿士以見于王
三命之以蔡中呂地也以奉叔度祀是爲蔡仲矣
宋忠曰故名其地爲新蔡王莽所謂新遷者也世
祖建武元年封吳國爲侯國汝南先賢傳曰新蔡
鄭敬字次都爲郡功曹都尉高懿聽事前有槐樹
白露類甘露者懿問掾屬皆言是甘露敬獨曰明
府政未能致甘露但樹汁耳懿不悅託疾而去汝
水又東南左會潁水水上承汝水別流於竒頡城
東東南流爲練溝逕邵陂縣西東南流注至上蔡
西岡北爲黃陵陂陂東流於上蔡岡東爲蔡塘又
東逕平與縣故城南爲潁水縣舊沈國也有沈亭

春秋定公四年蔡滅沈以沈子嘉歸後以爲縣史
記曰秦將李信攻平與敗之者也建武三十年世
祖封銚統爲侯國于汝南郡治昔費長房爲市吏
見王壺公懸壺郡市長房從之因而自遠同入此
壺隱淪仙路骨謝懷靈無會而返雖能役使鬼神
而終同物化城南里餘有神廟世謂之張明府祠
水旱之不節則禱之廟前有圭碑文字紊碎不可
復尋碑側有小石函按桂陽先賢畫讚臨武張熹
字季智爲平與令時天下大旱熹躬雲東獲熹應
乃積柴自焚主簿崇小史張化從熹焚焉矣火旣
燎天靈感應即澍雨此熹自焚處也澹水又東南
左迤爲葛陂陂方數十里水物舍靈多所苞育昔

費長房投杖於陂而龍變所在也又劾東海君於
是陂矣陂水東出爲鰲水俗謂之三丈陂亦曰三
嚴水水逕鰲陽縣故城南應劭曰縣在鰲水之陽
漢明帝永平中封衛尉陰與子慶爲侯國也縣有
葛陵城建武十五年更名封經侯銚丹爲侯國城
之東北有楚武王冢民謂之楚王瑟城城北祝社
里下土中得銅鼎銘曰楚武王是知武王遂也鰲
陂東注爲富水水積之處謂之皮塘津渠交絡枝
布川隰矣澹水自葛陂東南逕新蔡縣故城東而
東南流注于汝水又東南逕下桑里左迤爲橫塘
陂又東爲北清陂者也汝水又東南逕壺丘城北
故陳也春秋左傳文公九年楚侵陳剋壺丘以其

服於晉是也汝水又東與清陂合水上承慎水於慎陽縣之上慎陂右溝北主馬城陂陂西有黃丘亭陂水於東逕新息亭北又東爲網陂陂水又東逕新息縣結爲墻陂陂水又東逕遂鄉南東而爲壁陂又東爲青陂陂東對大呂亭春秋外傳曰當成周者南有荆蠻中呂姜姓矣蔡平侯始封也西南有小呂亭故此稱天也側陂南有青陂廟前廟有阪漢靈帝建寧三年新蔡長河南緱氏李言上請修復青陂司徒臣訓尚書臣襲秦可洛陽宮於青陂東塘南樹碑碑稱青陂在縣坤地源起桐栢淮川別流入牙潺湲逕新息墻陂衍入褒信界灌漑五百餘頃陂水又東分爲二水一水南流淮水

水東南逕白亭北又東逕吳城南史記楚惠王二
年子西召太子建之子勝於吳勝入居之故曰吳
城也又東北屈逕壺丘東而北流注于汝水世謂
之薄溪水汝水又東逕褒信縣故城北而東注矣
又東至原鹿縣

汝水又東南逕縣故城西杜預所釋地曰汝陰有
原鹿縣也

南入于淮
所謂汝口側水有汝口戍淮汝之交會也

南二十七里世謂之黃城也亦或謂是水爲灑水
東與右水合左水出少室南溪東合潁水故作者
乃舉二三言水所發也呂氏春秋曰卞隨耻受湯
讓自投北水而死張顯逸民傳嵇叔夜高士傳並
言投澗水而死未知其孰是也

又東南過其縣南

潁水又東五渡水注之其水導源崇高縣東北太
室東溪縣漢武帝置以奉太室山俗謂之崧陽城
及春夏雨泛水自山頂而迭相灌澍嶠流相承爲
二十八浦也湯旱輟津而石潭不耗道俗遊憩者
唯得飡飲而已無敢澡盥其中苟不如法必數日
不豫是以行者憚之山下大澤周數里而清深

潔水中有立石高十餘丈廣二十許步上甚平整
緇素之士多泛舟昇陟取暢山情其水東流南陽
城西石溜縈委溯者五涉故亦謂之五渡水東南
流入潁水潁水逕其縣故城南昔舜禪禹禹避商
均伯益避啓並於此也亦周公以土圭測日景處
漢成帝永始元年封趙臨爲侯國也縣南對箕山
山上有許由蒙堯所封也故太史公曰余登箕山
之上有許由墓焉山下有牽牛墟側潁水有犢泉
是巢父還牛處也石上犢跡存焉又有許由廟碑
關尚存是漢潁川太守朱寵所立潁水逕其北東
與龍淵水合其水導源龍淵東南流逕陽城北又
東南入于潁潁水又東平洛溪水注之水發玉女

臺下平洛澗世謂之平洛水呂忱所謂汭水出陽城山蓋斯水也又東南流注于潁潁水又東出陽城關歷高東南魏明帝封尚書右僕射衛臻爲康鄉侯此旣臻封邑也

又東南過陽翟縣北潁水東南流逕陽關聚聚夾水相對俗謂之東西二土城也潁水又逕上棘城西又屈逕其城南春秋左傳襄公十八年楚師伐鄭城上棘以涉潁者也縣西有故堰堰石崩禡頽基尚存舊過潁水支流所出也其故瀆東南逕三封山北今無水渠中又有泉流出焉時人謂之峒水東逕三封山東東南歷大陵西連山亦曰啓筮亭享神於大陵之上

卽鈞臺也春秋左傳曰夏啓有鈞臺之饗是也杜預曰河南陽翟縣南有鈞臺其水又東南流水積爲陂陂方十里俗謂之臺蓋陂指鈞臺取名也又西南流逕夏亭城西又屈而東南爲邾之靡陂潁水自揭東逕陽翟縣故城北夏禹始封於此爲夏國故武王至周曰吾其有夏之居乎遂營洛邑徐廣曰河南陽城陽翟則夏地也春秋經書秋鄭伯突入于櫟左傳曰桓公十五年突殺檀伯而居之服虔曰檀伯鄭守櫟大夫櫟鄭之大都宋忠曰今陽翟也周末韓景侯自新鄭徙都之王隱曰翟本櫟也故潁川郡治也城西有郭奉孝碑側水有九山祠碑叢栢猶茂北枕川流也

又東南過潁陽縣西又東南過潁陰縣西南

應劭曰縣在潁水之陽故邑氏之按東觀漢記漢封車騎將軍馮防爲侯國防城門校尉位在九卿上絕席潁水又南逕潁鄉城西潁陰縣故城在東北舊許昌輿農都尉治也後改爲縣魏明帝封侍中辛毗爲侯國也潁水又東南逕栢祠曲東歷罌臺臨水方百步袁術所築也汝水別溝又東逕西門城卽南利也漢書宣帝封廣陵王厲子劉昌爲侯也縣北三十里有執城號曰北利故瀆出於二利之間關女陽之縣世名之死汝縣取水名故汝陽也又東逕南頓縣故城又東南逕鮑陽城北又東逕郵鄉城北又東逕固始縣故城北地理志縣

故寢也寢丘在南故藉丘名縣矣王莽更名之曰治孫叔敖以土浸薄取而爲封故能綿嗣城北猶有叔敖碑建武二年司空李通又慕叔敖受邑故光武以嘉之更名固始別汝又東逕蔡岡北岡上有平陽侯相蔡昭冢昭字叔明周后稷之冑冢有石闕闕前有二碑碑字淪碎不可復識羊虎傾低殆存而已枝汝又東北流逕胡城南而東歷汝陰縣故城西北東入潁水潁水又東逕汝陰縣故城北史記高祖功臣侯者年表曰高祖六年封夏侯嬰爲侯國王莽更名之曰汝瀆也縣在汝水之陰故以汝水納稱城西有一城故陶丘鄉也汝陰郡汝城外東北隅有舊臺翼城若丘俗謂之女郎臺

雖經頽毀猶自廣崇上有一井疑故陶丘鄉所未
詳

又東南至慎縣東南入于淮

潁水東南流左合上吳百尺三木俱承次塘細陂
南流注于潁潁水又東南江陂水注之水受大滌
兵城南故汾丘城也春秋左傳襄公十八年楚子
庚治兵於汾司馬彪曰襄城縣有汾丘杜預曰在
襄城縣之東北也逕繁昌故縣此曲蠡之繁陽亭
也魏書國志曰文帝以漢獻帝延康元年行至曲
蠡登禪于是地改元黃初其年以潁陰之繁陽亭
爲繁昌縣城內有二臺時入謂之繁昌臺壇前有
二碑昔魏文帝禪於此自壇而降曰舜禹之事吾

知之矣故其石銘曰遂於繁昌築靈壇也於後其
碑六字生金論者以爲司馬金行故曹氏六世遷
魏而事晉也潁水又東南流逕青陵亭城北北對
青陵陂陂縱廣二十里潁水逕其北枝入爲陂陂
西則灑水注之水出褒城縣之邑城下東流注于
陂陂水又東入臨潁縣之狼陂潁水又東南流而
歷臨潁縣也

又東南過臨潁縣南又東南汝南潁強縣北洧水從
河南密縣東流注之

臨潁舊縣也潁水自縣西小潁水出爾雅曰潁別
爲沙郭景純曰皆大水溢出別爲小水之名也亦
由注別爲沱也潁水又東南逕澤城北卽古城臯

亭矣春秋經書云又諸侯盟于臯鼬者也臯澤字
相侶名與字垂耳潁水又東逕潁陽城南竹書紀
年曰孫何取潁陽潁強城在東北潁水不得逕其
北也潁水又東南潁水入焉非洧水也

又東過西華縣北南又東南又南王莽更名之曰華望縣也有東故言西矣世祖光
武皇帝建武中封鄧晨爲侯國漢濟北戴封字平
仲爲西華令遇天旱慨治功無感乃積柴坐其上
以自焚火起而大雨暴至遠近歎伏永元十三年
徵太常也縣北有習陽城潁水逕其南也經所謂
洧水流注之也

又南過汝陽縣北

縣故城南有汝水枝流故縣得厥稱矣闕駟曰本
汝水別流其後枯竭號曰死汝水故其字無水余
按汝女乃方俗之音故字隨讀改未必一如闕氏
之說以窮通損字也潁水又東大潁水注之又東
南逕博陽縣城東城在南頓縣北四十里漢宣帝
封邴吉爲侯國王莽更名樂嘉

又東南過南頓縣北潁水從西來流注之

潁水於樂嘉縣入潁不至於頓頓故頓子國也周
之同姓春秋僖公二十五年楚伐陳納頓子于頓
是也俗謂之潁陰城非也潁水又東南逕陳縣南
又東南左會交口者也

又東南至新陽縣北蕩蕩渠水從西北來注之

經云漭蕩渠者百尺溝之別名也南合交口新溝自是東出潁上有堰謂之新陽堰俗謂之山陽竭非也新溝自潁北東出縣在水北故應劭曰縣在新水之陽今縣故城在東明潁水不出其北蓋經誤耳潁水自東堰南流逕項縣故城北春秋僖公十七年魯滅項是矣潁水又東右合谷水水上承平鄉諸陂東北逕南頓縣故城南側城東注春秋左傳所謂頓迫于陳而奔楚自頓徙南故曰南頓也今其城在頓南三十餘里又東逕項城中楚襄王所郭以爲別都都內西南小城項縣故城也舊潁州治谷水逕小城北又東逕刺史賈逵祠北王隱言祠在城北非也廟在小城東昔王凌爲宣王

司馬懿所執扁廟而嘆曰賈良道王凌魏之忠臣唯汝有靈知之遂仰鴆而死廟前有碑碑石金生于寶曰黃金可採爲晉中興之瑞谷水又東流出城東注潁潁水東側潁有公路城素術所築也故世因以術字名城矣潁水又東逕監潁城北城臨水關南面又東逕雲陽二城間南北翼水並非所具又東逕丘頭丘頭南枕水魏書郡國志曰宣王軍次丘頭王凌面縛水次故號武丘矣潁水又東南流於故城北細水注之水上承陽都陵陂水枝分東南出爲細水東逕新陽縣故城北又東南逕宋公縣故城北縣鄴丘者也秦伐魏取鄴丘謂是邑矣漢成帝綏和元年詔封殷後於沛以存三統

平帝元始四年改曰宋公章帝建初四年徙邑於此故號新鄴爲宋公國也王莽之新延矣細水又南逕細陽縣新溝注之新溝首受交口東北逕新陽縣故城南漢高帝六年封呂清爲侯國王莽更名曰新明也故應邵曰縣在新水之陽今無水故渠舊道而已東入澤渚而散流入細細水又東南逕細陽故城南王莽更之曰樂慶也世祖建武中岑彭子遵爲侯國細水之東南積而爲陂謂之次塘公私列裂以供田溉又東南流屈而西南入潁地理志曰細水出細陽縣東南入潁潁水又東南流逕胡城故東胡子國也春秋定公十五年楚滅胡以胡子豹歸是也杜預釋地曰汝陰縣西地有

胡城也潁水又東南汝水枝津之水上承汝水別瀆於音頴城東三十里世謂之大灑水也東南逕召陵縣故城南春秋左傳僖公四年齊桓公師于召陵責楚貢不入卽此處也城內有大井徑數丈水至清深闕駟曰召者高也其地丘墟井深數丈故以名焉又東南逕征羗縣故邵陵縣之安陵鄉安陵亭也世祖建武十一年以封中郎將來歙歙以征定西羗功故更名征羗也闕駟引戰國策以爲秦昭王欲易地謂此也汝水別瀆又東逕公路臺北陂陂水南流積爲江陂南逕慎城西側城南流入于潁潁水又逕慎縣故城南縣故楚邑白公所居以拒吳春秋左傳哀公十六年吳人伐慎白

公敗之王莽之慎治也世祖建武中封劉賜爲侯
國潁水又東南逕蜩螗郭東俗謂之鄭城矣又東
南入于淮春秋昭公十二年楚子狩于州來次于
潁尾蓋潁水之會淮也

洧水出河南密縣西南馬領山

水出山下亦言出潁川陽城山山在陽城縣之東
北蓋馬領之統目焉清水東南流逕一故臺南俗
謂之陽子臺又東逕馬領塢北在山上塢下泉流
北注亦謂洧別源也而入于洧水洧水東注綏水
會焉水出方山綏溪卽山海經所謂浮戲之山也
東南流逕漢弘農太守張伯雅墓塋四周壘石爲
垣隅阿相降列於綏水之陰庚門表二石闕夾對

石獸於闕下冢前有石廟列植三碑碑云德字伯
雅河內密人也碑側對兩石人有數石柱及諸石
數矣舊引綏水南入塋城而爲池沼沼在丑地皆
蟾嚙吐水石湟承溜池之南又建石樓石廟前又
翼列諸獸但物謝時淪凋毀殆盡矣富而非義北
之浮雲况復此乎王孫士安斯爲達矣綏水又東
南流逕上郭亭南東南注洧洧水又東襄荷水注
之水出北山子節溪亦謂之子節水東南流于洧
洧水又東會瀝滴泉水出深溪之側泉流史餘懸
水散注故世士以瀝滴稱南流入洧水也

又東南過其縣南

洧水又東流南與承雲二水合俱出承雲山二源

雙導東南流注于洧世謂之東西承雲水洧水又東微水注之水出微山東北流入于洧洧水又東逕密縣故城南春秋謂之新城左傳僖公六年會諸侯伐鄭圍新密以鄭不時城也今縣城東門南側有漢密令卓茂祠茂字子康南陽苑人溫仁寬雅恭而有禮人有認其馬者茂與之曰若非公馬幸至丞相府歸我遂挽車而去後馬主得馬謝而還之任漢黃門卽遷密令舉善而徵口無惡言教化大行道不拾遺蝗不入境百姓爲之立祠享祀不輟矣洧水又左會瓌泉水水出王亭西北流注于洧水水又東南與馬關水合水出王亭下東北流歷馬關謂之馬關水又東北注于洧洧水又東

合武定水水出北武定岡西南流又屈而東南流逕零鳥塢西側塢東南流塢側有水懸流赴壑一匹有餘直注澗下淪積成淵嬉遊者矚望奇爲佳觀俗人覩此水挂于塢側遂目之爲零鳥水東南流入于洧洧水又東與虎牘山水合水發南山虎牘溪東北流入洧洧水又東南赤澗水注之水出武定岡東南流逕皇臺岡下又歷岡東東南流注于洧洧水又東南流澮水注之洧水又東南逕鄆城南世本曰陸終娶于鬼方氏之妹謂之女漬是生六子孕三年啓其左脅三人出焉破其右脅二人出焉其四曰求言是爲之鄆鄆人者鄭是也鄭桓公問於史伯曰王室多難子安逃死乎史伯曰

號鄆公之民遷之可也鄭氏東遷號鄆獻十邑焉
劉禛云鄆在豫州外方之北北鄰於鄆號熒之南
左濟右洛居陽鄭兩水之間食溱洧焉徐廣曰鄆
在密縣妘姓矣不得在外方之北也洧水又東逕
陰坂北水有梁焉俗謂是濟爲參辰口左傳襄公
九年晉伐鄭濟于陰阪次于陰口而還是也杜預
曰陰坂洧津也服虔曰登南曰陰口者水口也參
陰聲相近蓋傳呼之謬耳入晉居商參之分實沈
之上鄭處辰火之野闕伯之地軍師所次故濟得
其名也

又東過鄭縣南鄆水從西北來注之

洧水又東逕新鄭故城中左傳襄公元年晉韓厥

荀偃帥諸侯伐鄭入其郛敗其徒兵於洧上是也
竹書紀年晉文侯二年同惠王子多父伐鄆克之
乃居鄭父之丘名之曰鄭是曰桓公皇甫士安帝
王世紀去或言縣故有熊氏之墟黃帝之所都也
鄭氏徙居之故曰新鄭矣城內有貴祠名曰章乘
是也洧水又東爲洧淵水春秋傳曰龍鬪于時門
之外洧淵則此潭也今洧水自鄭城西北入而東
南流逕鄭城南城之南門內舊外蛇與內蛇鬪內
蛇死六年大夫傅瑕殺鄭子入厲公自是微也水
南有鄭莊公望母臺莊姜惡公寤生與段京居段
不弟姜氏無訓莊公居夫人故城穎誓曰不及黃
泉無相見也故城臺以望母用伸在心之思感考

叔之言忻大隧之賦洩洩之慈有嘉融融之孝得
常矣洧水又東與黃水合經所謂澮水非也黃水
出太山南黃泉東南流經華城西史伯謂鄭桓公
曰華君之土也韋昭曰華國名矣史記參昭王三
十三年白起攻魏拔華陽走芒卯斬首十五萬司
馬彪曰華陽亭名在密縣嵇叔夜常採藥於山澤
學琴於古人卽此亭也黃水東南流又與上水合
水出兩塘中一源兩分泉流派別東爲七虎澗水
西流卽是水也其水西南流注於黃水黃卽春秋
之所謂黃坼也故杜預云苑陵縣西有黃水者也
又東南流水側有二臺也謂之積粟臺臺東卽二
水之會也捕章山水注之水出東捕章山西流注

于黃水黃水又南至鄭城北東轉於城之東北與
黃溝合水出捕章山東南流至鄭城東北入黃水
黃水又東南逕龍淵泉東南七里溝水注之水出
隙候亭東南平地東注又屈而南流逕升城東又
其南歷燭城西卽鄭大夫燭之武邑也又南流注
于浦水也

又東南過長社縣北

洧水東南流南濮北濮二水入焉洧水又東南與
龍淵水合水出長社縣西北有故溝上承洧水水
盛則通注龍淵水減則律渠輟流其瀆中澁泉南
注東轉爲淵淥水平潭清潔澄深俯視游魚類若
乘空矣所謂淵無潛鱗也又東逕長社縣故城北

鄭之長葛邑也春秋隱公五年宋人伐鄭圍長葛是也後社對暴長故曰長社魏潁川郡治也余以景明中出宰茲郡於南城西側修立客館版築既興於土下得一對根甚壯大疑是故社怪長暴茂者也稽之故說縣無龍淵水名蓋出近世矣京相璠春秋土地名曰長社北界有稟水但是水導於隍澗之中非北界之所謂又按京社地名並云長社縣北有長葛鄉斯乃縣徙于南矣然則是水卽稟水也其水又東南逕棘城北左傳所謂楚子伐鄭救齊次于棘澤者也稟水又東左注洧水洧水又東南分爲二水也其枝水東北流注沙一水東逕許昌縣故許南國也姜姓四岳之後矣穆天子

傳所謂天子見許男于洧上者也漢章帝建初四年更封馬光爲侯國春秋助期曰漢以許昌失天下及魏承漢歷遂改名許昌也城內有景福殿基魏明帝太和中造准價八百餘萬洧水又東入汶倉城內俗以是水爲汶水故有汶倉之名非也蓋洧水之邱閣耳洧水又東逕隱陵縣故城南李奇曰六國爲安陵也昔秦求易地唐且受使於此漢高帝十二年封都尉朱濞爲侯國王莽更名左亭洧水又東隱陵陂水注之水出隱陵南陂東西南流注于洧水也

又東南過新汲縣東北

洧水自隱陵東逕桐丘南俗謂之天井陵又曰岡

水經卷三十一
非也洧水又屈而南流流水上有梁謂之桐門橋
籍桐丘以取稱亦言取桐門亭而目焉然不知亭
之所在未之詳也洧水又東南逕桐丘城春秋左
傳莊公二十八年楚伐鄭鄭人將奔桐丘卽此城
也杜預春秋釋地曰潁川許昌城東京相璠曰
鄭地也今圖無而城見存西南去許昌故城可三
十五里俗名之曰堤其城南卽長堤因洧水之北
防也西面桐丘其城邪長而不方蓋憑丘之稱卽
城之名矣洧水又東逕新汲縣故城北漢宣帝神
雀二年置於許之汲鄉曲洧城以河內有汲縣故
加新也漢宣帝建初四年封執金吾馬光爲侯國
城在洧水南堤上又東洧水右迤爲濩陂洧水又

逕匡城南扶溝之匡亭也又東洧水左迤爲鴨子
陂也謂之大穴口也
又東南過茅城邑之東北

洧水自穴口東南逕洧陽城西南逕茅城東北又
南左合庾溝溝水上承洧水於大穴口東北枝分
東逕洧陽故城南俗謂之復陽城非也蓋洧復字
類音讀變漢建安中封司空祭酒郭奉孝爲侯國
其水又東南爲鴨子陂陂廣一十五里餘波南入
甲庾溝西注又東北瀉沙洧水又南逕一故城西
世謂之思鄉城西去洧十五里洧水又右合濩陂
水上承洧水新波縣南逕新汲故城東又南積而
爲陂陂之西北卽長舍城陂水東翼洧堤西面茅

邑自城北門列築昆道迄於此岡世尚謂之茅岡
卽經所謂茅邑地也陂水北出東入洧津西納北
異流

又東過習陽城西折入于潁

洧水又東南逕辰亭東俗謂之田城非也蓋田辰
聲相近城亭音韻聯故也經書魯宣公十一年楚
子陳侯鄭伯盟于辰陵也京相璠曰潁川長平有
故辰亭杜預曰長平縣東南有辰亭今此城在長
平城西北長平城在東南或杜氏之謬傳書之誤
耳長平東南淋陂北畔有一阜東西減里南北五
十許步俗謂之新亭臺又疑是杜氏所謂辰亭而
未之詳也洧水又南逕長平縣故城西王莽之長

正也洧水又南分爲二水枝水東出謂之五梁溝
逕習陽城北又東逕赭丘南丘上有故城郡國志
曰長平故屬汝南縣有赭丘城卽此城也又東逕
長平城南東注潑陂洧水南出謂之雞籠水故水
會有籠口之名矣河水又東逕習陽城西西南折
入潁地理志曰洧水東南至長平縣入潁者也

淇水出河南密縣大騮山

大騮卽具茨山也黃帝登具茨之山升於洪堤上
受神芝圖於黃蓋童子卽是山也溪水出其阿而
流爲陂俗謂之玉女池東逕陘山北史記魏襄王
六年敗楚於陘山者也山上有鄭祭仲冢冢西有
子產墓累石爲方墳墳東有廟並東北向鄭城杜

元凱言不忘本際廟舊有一枯栢對其塵根故株
之上多生雉栢列秀青青望之奇可嘉矣潁水又
東南逕長社城林城西北南濮北濮二水出焉劉
澄之著永初記云水經濮水源出大騮山東北流
注泗衛靈聞音於水上殊爲乖矣余按水經爲潁
水不爲濮也是水首受溪水川渠雙引俱東注有
洧與之過沙枝流脉亂牙得通稱是以春秋昭公
九年遷城父人於陳以夷濮西田益之京相璠云
以夷之濮西田益也杜預亦言以夷田在濮水西
者與城父人服虔曰濮水名也且字類音同津瀾
邈別不得爲北濮上源師氏傳音於其上矣潁水
又南逕鍾亭西又南逕皇亭又東南逕關亭西又

東南逕宛亭西鄭大夫宛射犬之故邑也潁水又
南分二水一水南出逕胡城東故潁陰縣之狐人
亭也其水南結爲陂謂之胡城陂潁水自枝渠東
逕曲强東皇陂水注之水出西北皇臺七女岡北
皇陂卽古長社縣之濁澤也史記魏惠王元年韓
懿侯與趙成侯合軍伐魏戰於濁澤是也其陂水
北對雞鳴城卽是社縣之濁城也陂水東南流逕
胡泉城北故潁陰縣之狐宗鄉也又東合狐城陂
水水上承陂水而東南流注于黃水謂之合作口
而東逕曲强城北東流入潁水時人謂之勅水非
也勅潁音相類故字從聲變耳渭水又東逕武亭
間兩城相對疑是古之岑門史遷所謂走犀首于

岑門者也徐廣曰潁陰有岑亭未知是否潁水又南逕射犬城東卽鄭公孫射犬城也蓋俗謬耳潁水又南逕潁陰縣故西魏明帝封司空陳羣爲侯國俱水城西又東逕許昌城南又東南與宣帝陂水合陂上承狼陂於潁陰城西南陂南北二十里東西十里春秋左傳曰楚子伐鄭師于狼是也其水東南入許昌縣逕臣陵城北鄭地也春秋左氏傳莊公十四年鄭厲公獲傅瑕於大陵京相璠曰潁川臨潁縣東北二十五里有故臣陵亭古大陵也其水又東積而爲陂謂之宣梁陂也陂水又東南入潁水潁水又西南流逕陶城西又東南逕陶陂東

東南入于潁潯水出鄭縣西北平地潁水出鄆城北西雞絡塢下東南流逕賈復城西東南流左右澁水水出賈復城東南流注于潯潯水又南左會承雲山水水出西北承雲山東南歷渾于江東注世謂岡峽爲五鳴口東南流注于潯潯水又東南流歷下田川逕鄆城西謂之爲柳泉水也故史伯荅桓公曰君以成周之衆奉辭伐罪若剋號鄆君之土也如前莘後河右洛左濟王丕騶而食潯洧循典刑以守之可以少固卽謂此矣潯水又南懸流莽壑崩注丈餘其下積水成潭廣四十許步淵深難測又南注于洧詩所謂溱與洧者也世所謂之爲鄆水也

東過其縣北又東南過其縣東又南入于洧水

自鄆澗東南更無別瀆不得逕新鄭而會洧也鄭城東入洧者黃崖水也蓋經誤證耳

渠出滎陽北河東南過中牟縣之北

風俗通曰渠者水所居也渠水自河與沛亂流東滎澤北東南分沛歷中牟縣之圃田澤北與陽武分水澤多麻黃草故述征記曰踐縣境便覩斯卉窮則知踰界令雖不能然諒亦非謬詩所謂東有圃艸也皇武子曰鄭之有原圃猶秦之有具圃澤在中牟縣西西限長城東極官渡北佩渠水東西四十許里南北二百許里中有沙岡上下二十四浦津津流逕通淵潭相接各有名焉有大斬小斬

大灰小灰義魯練秋大白楊小白楊散味禹中牟

圉大鵠龍澤鬯罷大哀小哀大長小長大縮小縮

伯丘大蓋牛眠等浦水盛則北注渠溢則南播故

竹書紀年梁惠成王十年入河水于甫田又爲大

溝而引甫水者也又有一瀆自酸棗受河道自漢

瀆歷酸棗逕陽武縣南出世謂之十字溝而屬於

渠或謂是瀆爲渠惠之年所開而不能詳也斯甫

乃水澤之所鍾爲鄭隰之淵藪矣渠又右合王池

溝上承澤水中流渠謂之五也口魏嘉平二年司

馬懿帥中軍討大尉王凌於壽春自彼而還帝使

侍中韋誕勞軍于五池者也今其地爲五池鄉矣

渠又東不家溝水注之出京縣東南梅山北溪春

秋襄公十八年為子馮公子格率銳師侵費右迴
梅山杜預曰在密東北即是山也其水自溪東北
流逕管城西故管國也周武以封管叔矣成王幼
弱周公攝政管叔流言曰公將不利於孺子公賦
鴟鴞以伐之即東山之詩是也左傳宣公十二年
晉師救鄭楚次管以待之杜預曰京縣東北有管
城者是也俗又為之為管水東北分為二水一水
東北流注黃雀溝謂之黃淵淵周一百步其一水
東越長城東北流水積為淵南北二里東西百步
謂之百尺水北人圃田澤分為二水一水東北逕
東武強城北漢書曹參傳斬擊羽嬰於昆陽追至
業還攻武強因至滎陽薛瓚云按武強城左陽武

縣即斯城也漢高帝六年封騎將莊不識為侯國
又東北流左注于渠為不家水口也一水東流又
屈而南轉東南注白溝也渠又東清池水注之清
池水出清陽亭西南平地東北流逕清陽亭南東
流即故清人城也詩所謂清人在彭彭為高克邑
也故杜預春秋釋地云中牟縣西有清陽亭是也
清水又屈而北流至清口澤七虎澗水注之水出
畢城南岡一源兩派津川趣別西入黃崕溝東為
七虎溪亦謂之為華水也又東北流紫光溝水注
之水出華陽城東北而東流俗名曰紫光澗又東
北注華水華水又東逕棗城北即北林亭也春秋
文公與鄭伯宴于棗林子家賦鴻鴈者也春秋宣

公元年諸侯會于棐林以伐鄭楚救鄭遇於北林
服虔曰北林鄭南地也京相璠曰今滎陽死陵縣
有故林鄉在新鄭北故曰北林也余按林鄉故城
在新鄭北東如北七十許里死故城東南五十許
里不得在新鄭北也考京服之說並爲踈矣杜預
云滎陽中牟縣西南有林亭在鄭北今是亭南去
新鄭故城四十許里蓋以南有林鄉亭故杜預據
是爲北林最爲密矣又以林鄉爲棐亦或疑焉諸
侯會棐楚遇于此寧得知不在是而更指他處也
積古之傳事或不謬矣又東北逕鹿臺南岡北出
爲七虎澗東流期水注之水出期城西南平地世
號龍淵水東北流又北逕期地西又北與七虎澗

合謂之虎谿水亂流不注逕期城北東會清口水
司馬彪郡國志曰中牟有清口水卽是水也清水
又東北白溝水注之水有二源北水出密之梅山
東南而東逕靖城南與南水合水南出合太山西
北流至靖城南左注北水卽承水也山海經曰承
水出太山之陰東北流注于役水者也世所謂之
靖澗水也又東北流太水注之水出太山東平地
山海經曰太水出于太山之陽而東南流注于役
水世謂之禮水也東北逕武陵城西東北流注于
承水又東北入黃瓮澗北逕中陽城西城內有舊
臺甚秀臺側有陂池池水清深澗水又東屈逕其
城北竹書紀年梁惠成王十七年鄭釐侯來朝中

陽者也其水東北流爲白溝又北東逕伯禽城北
蓋伯禽之魯往逕所由也屈而南流東渚于清水
卽潘岳都碑所謂自中牟故縣以西西至于清溝
指是水也亂流東逕中牟宰魯恭祠南漢和帝時
右扶風魯恭字仲康以太尉掾遷中牟令政專德
化不任刑罰吏民敬信蝗不入境河南伊表安疑
不實使部掾肥親按行之恭隨親行阡陌坐桑樹
下雉止其傍有小兒親曰兒何不擊雉曰將雛親
起曰蟲不入境一異化及鳥獸二異豎子懷仁三
異久留非優賢請還是年嘉禾生縣庭安美其治
以狀上之徵博士待中車駕每出恭常陪乘上顧
問民政無所隱諱故能遺愛自古祠饗來今矣清

溝水又東北逕沈清疑卽博浪亭也服虔曰博浪
陽武二水沙名也今有亭所未詳也歷博浪澤昔
張良爲韓報仇於秦以金椎擊秦始皇不中中其
副車於此又北分於二水枝津東注後水清水自
枝流北注渠謂之清溝口渠又左逕陽武縣故城
南東爲官渡水又逕曹太祖壘北有高臺謂之官
渡臺渡在中牟故世又謂中牟臺建安至年太祖
營官渡袁紹保陽武紹連營稍前依沙堆爲屯東
西數十里公亦分營相禦合戰不利紀進臨官渡
起土山地道以逼壘公亦起高臺以捍之卽中牟
臺也今臺北土山猶在山之東悉紹舊營遺臺並
存水又東逕田豐祠北袁本初慙不納其言害之

時人嘉其誠謀無辜見戮故立祠於是用表袁氏
覆滅之宜矣又東役水注之水出死陵縣西隙候
亭東世謂此亭為却城非也蓋隙却聲相近耳中
平陂世名之湓泉也即古役水矣山海經曰役山
役水所出北流注于河疑是水也東北流逕苑陵
縣故城北東流北逕焦城東陽丘亭西也謂之焦
溝水竹書紀年梁惠成王十六年秦公孫壯武鄭
圍焦城不剋即此城也俗謂之驛城非也役水自
陽丘亭東流逕山氏城北為高榆淵竹書紀年梁
惠成王十六年秦公孫壯率師城上枳安陵山氏
者也又東北為酢溝又東北魯溝水出焉役水又
東北湓溝水出焉又東北為八丈溝又東清水杖

津注之水自沈城東派注于役水又東逕曹公壘
南東與沫水合山海經云沫水所出北流注于役
今是水出中牟城西南疑即沫水也東北流逕中
牟縣故城昔趙獻侯自耿都北班固云趙自邯鄲
徙焉趙襄子時佛肸以中牟叛置鼎於庭不與已
者烹之田英將襄裳赴鼎處也薛瓚注漢書云中
牟在春秋之時之為鄭之堰也及三卿分晉則在
魏之邦土趙自漳北不及此也春秋傳曰衛侯如
晉過中牟非衛適晉之次也汲郡古文曰齊師伐
趙東鄙圍中牟此中牟不在趙之東也按中牟當
在濕水之上矣按春秋齊伐晉夷儀晉車千乘在
中牟衛侯過中牟中牟人欲伐之衛褚師固亡在

中牟曰衛雖小其君在未可勝也齊師尅城而驕
遇之必敗乃敗齊師服虔不列中牟所在杜預曰
今滎陽有中牟迴遠疑爲非也然地理參差土無
常域隨其強弱自相吞并疆理畱移寧可一也兵
車所指逕紆難知自魏徙大梁趙以中牟易魏故
趙之南界極于浮水匪直專漳也趙自西取後正
中牟齊師伐其東鄙於宜無嫌而瓚逕濕水空言
中牟所在非論證也漢高帝十一年封單父聖爲
侯國沫水又東北注于後水昔魏太祖之皆董卓
也間行出中牟爲亭長所錄郭長公世語爲縣所
拘功曹請釋焉役水又東北逕中牟澤卽鄭大叔
攻荏蒲之盜於是澤也其水東流北屈注渠之征

績記所謂自盤甗城到酢溝十里者渠水又東流
而左會淵流其水上承聖女陂周二百餘步水
無耗竭湛然清滿而南流注于渠渠水又東南而
注大梁也

又東至浚儀縣

水東南逕西赤城北戴延之所謂西北有大梁亭
非也竹書紀年梁惠成王二十八年穰苴率師及
鄭孔夜戰于梁赫鄭師敗逋卽此城也左則故瀆
出焉秦始皇二十年王賁斷故渠引水東南出以
灌大梁謂之梁溝又東逕大梁城南本春秋之陽
武高陽鄉也於戰國爲大梁周梁伯之居之梁伯
好土功大其城號曰新里民疲而潰秦遂取焉後

魏息王自安邑徙都之故曰梁耳竹書紀年梁惠成王六年四月甲寅徙邦于大梁是也秦滅魏以爲縣漢文帝封孝王於梁孝王以土地下濕東都睢陽又改曰梁自是置縣以大梁城廣居其東城夷門之東夷門卽侯嬴抱關處也續述征記曰以此城爲師曠城言郭緣生曾遊此邑踐夷門升吹臺終古之跡緬焉盡在余謂此乃梁氏之臺門魏惠之卽居非吹臺也當是誤證耳西征記論儀封人卽此縣又非也竹書紀年梁惠成王三十一年三月爲大溝於此郭以行圃田之水陳畱風俗傳曰縣北有浚水像而儀之故曰漢儀余謂故汴沙陰溝矣浚之故曰治其猶春秋之浚洙漢氏之

水又東北逕中牟縣南又東北逕中牟澤與淵水合水出中牟縣城北城有層臺按郭公世語及于寶晉紀並言中牟縣故魏任城王臺下池中有漢時鐵錐長六尺入地三尺頭西南指不可動止月朔自正以爲晉氏中興之瑞而今不知所在或言在中陽城池臺未知焉是淵水自池西出屈逕其城西而東南流注于汜汜水又東逕大梁亭南又東逕梁臺南東注渠渠水又東南流逕開封縣睢渙二水出焉右則新溝注之其水出逢池池上承役水于苑陵縣別爲魯溝水東南流逕開封縣故城北漢高帝十一年封劉舍爲侯國也陳畱志稱阮蘭字茂弘爲開封令縣側有劫賊外白甚急數

阮方圍碁長嘯吏云劫急阮曰局上有劫亦甚急其耽樂如是故語林曰王中郎以圍碁爲坐隱或亦謂之爲手談又謂之爲碁聖魯溝南際富城東南入百尺陂卽古之逢澤也徐廣史記音義云秦孝公會諸侯于逢澤陂陂汲郡碁竹書紀年作逢澤斯其處也故應德璉西征賦曰鸞衡東指弭節逢澤其水東北流爲新溝新溝又東北流逕牛首鄉北謂之牛建城又東北注梁卽沙水也音蔡許慎正作沙音言水散石也從水少水沙見矣楚東有沙水謂此水也無佗也皆變名矣其國多池沼時池中出神劍到今其民像而作之號大梁氏之劍也渠又北屈分爲二水續述征記曰汴沙到浚

儀而分也汴東注沙南流其水更南流逕梁王吹臺東陳留風俗傳曰縣有倉頡師曠城上有列仙之吹臺北有牧澤中出蘭蒲土多雋髦今帶牧澤方一十五里俗謂之蒲關澤卽謂此矣梁王層築以爲吹臺城隍夷滅略存故跡今層臺孤立於牧澤之右矣其臺方一百許步卽阮嗣宗詠懷詩所謂駕言發魏都南向望吹臺簫管有遺音梁生安在哉晉世喪亂乞活憑居削墮故碁遂成二層上碁猶方四五十步高一丈餘世謂之乞活臺又謂之婆臺城梁水於此有陰溝洪溝之稱焉項羽與漢高分王指是水以爲東西之別故蘇秦說魏襄王曰太王之地南有鴻溝是也故尉民縣有波鄉

亭波亭鴻溝鄉鴻溝亭皆藉水以立稱也今簫縣西亦有鴻溝亭梁國睢陽縣東有鴻口亭先後談者亦指此以爲楚漢之分王非也蓋春秋之所謂紅澤者矣渠右與汜水口其上承役水於死陵縣縣故鄭都也王莽之左亭縣也役水枝津東派爲汜水者也而世俗謂之泥溝水也春秋左傳僖公三十年晉侯秦伯圍鄭晉軍函陵秦軍汜南所謂東汜者也

又屈南至扶溝縣北

沙水又東南逕牛首鄉東南魯渠水出焉亦謂之宋溝也又逕陳留縣故城南孟康曰留鄭邑也後爲陳井故曰陳留矣魯溝又東南逕圍縣故城北

縣苦楚難修其干戈以圍其患故曰圍也或曰邊陲之號矣歷萬人散王莽之篡也東郡太守翟義興兵討莽莽遣奮威將軍孫建擊之於圍此義師大敗尸積萬數血流溢道號其處爲萬人散百姓哀而祠之又歷魯溝亭又東南至陽夏縣故城西漢高祖六年封陳稀爲侯國魯溝又南入渦今無水也沙水又東南逕斗城西左傳襄公三十年子產殯伯有尸其臣葬之於是城也沙水又東南逕牛首亭東左傳桓公十四年宋人與諸侯伐鄭東郊取牛首者也俗謂之車牛城矣沙水又東南入里溝出焉又東南逕陳留縣表氏鄉表氏亭西又逕澹臺子羽冢東與八里溝合按陳留風俗傳曰

陳留縣裴氏鄉有澹臺子羽冢又有子羽祠祈禱
焉京相璠曰今泰山南武城縣有澹臺子羽冢縣
人也未知孰是因其方誌所叙就記纏絡焉溝水
上承沙河而西南流逕牛首亭南與百尺陂水合
其水自波南逕開封城東三里岡左屈而西流南
轉注八里溝又南得野兔水口水上承西南兔氏
亭北野兔陂鄭地也春秋傳云鄭伯勞屈生于兔
氏也陂水東北入八里溝八里溝水又南逕右倉
城西又南逕兔氏亭東又南逕邵亭西東入沙水
沙水南逕扶溝縣故城東縣卽潁川之數平鄉也
有扶亭又有洧水溝故縣有扶溝之名馬建武元
年漢光武封平狄將軍朱鮪爲侯國沙水又東與

康溝水合水首受洧水於長社縣東東北逕向岡
西卽鄭之向鄉也後人遏其上口今水盛則北注
水耗則輟流又有長明溝水注之水出苑陵縣故
城西北縣有二城此則西城也二城以東悉多陂
澤卽古制澤也京相璠曰鄭地杜預曰澤卽滎陽
苑陵縣東卽春秋之制田也故城西北平地出泉
謂之龍淵泉淵水流逕陵丘亭西又西重泉水注
之水出西城北平地泉湧南流逕陵丘亭西西南
注龍淵水龍淵水又東南逕九陽亭西而南入白
鴈陂陂在長社東北東西七里南北十里在林鄉
之西南司馬彪郡國志曰苑陵有林鄉亭白鴈陂
又引瀆南流謂之長明溝東轉北屈又東逕向城

北城側向岡左傳襄公十一年諸侯伐鄭師于向者也又東古迤爲梁二陂而東注于蔡澤陂長明溝又東逕尉氏縣故城南園稱云尉氏鄭國之東鄙弊獄官名也鄭大夫尉氏之邑故藥盈曰盈將歸死于尉氏也溝瀆自是三分北分爲康溝東逕平陸縣故城北高后元年封楚元王子禮爲侯國建武元年以戶不滿三千罷爲尉氏縣之陵封鄉又有陵封亭漢建安中封尚書荀攸爲陵封鄉侯故陳留風俗傳曰陵封鄉故平陸縣也北有天澤名曰長樂廐康溝又東逕城溝縣之白亭北陳留風俗傳曰扶溝縣有帛鄉亭名在七鄉十二亭中康溝又東逕少曲亭陳留風俗傳曰尉氏縣有

少世亭俗謂之爲小城也又東南逕扶溝縣故城東而東南注沙水沙水又南會南水其水南流又分爲二水一水南合關亭東又東南流與左水合其水自枝瀆南逕召陵亭西疑卽扶溝之亭也而東南合石水世以是水與隱陵陂水雙導亦謂之雙溝又東南入沙水沙水南與蔡澤陂水合水出隱陵城西北春秋成公十六年晉楚相遇于鄢陵呂錡射中共王目王召養由基使射殺之亦子反醉酒自斃處也陂東西五里南北十里陂水東逕匡城北城在新汲縣之東北卽扶溝縣之巨亭也亭在匡城鄒春秋文公元年諸侯朝晉衛成公不朝使孔達侵鄭伐縣訾及匡卽此邑也今陳留長

垣縣南有匡城卽平丘之匡亭也襄邑又有承匡城然匡居陳衛之間亦往往有異邑矣陂水又東南至扶洛城北又東南入沙水沙水又南逕小扶城西而流也城卽扶溝縣之平周亭東漢順帝永平中封陳敬王孫子恭爲侯國沙水又東南逕大扶城西城卽扶鄉故縣也城北二里有素梁碑云梁陳扶樂人後漢世祖建武十七年更封劉隆爲扶樂侯卽此城也渦水於是分焉不得在扶溝北便分爲二水也

其一者東南過陳縣也

沙水又東南逕東華城西又東西沙水枝瀆西南達洧謂之甲更溝今無水沙水又南與廣漕渠合

上承龐官陂云鄧艾所開也雖水流廢與溝瀆尚夥昔賈逵爲魏豫州刺史通運渠二百里餘亦所謂賈侯渠也而川渠逕復交錯畛陌無以辨之決水又東逕長平縣故城北又東南逕陳城北故陳國也伏羲神農並都之城東北三十許里猶有羲神實中舜後嫫滿爲周陶正城王賴其噐用妻以元女太姬而封諸陳以備三恪太姬好祭祀故詩所謂坎其擊鼓苑丘之下也苑丘在陳城南道東王隱云漸欲平今不知所在矣楚討陳殺夏徵舒於栗門以爲夏州後成之東門內有池池水東西七十步南北八十許步水至清潔而不耗竭不生魚草水中有故臺處詩所謂東門之池也城內有

漢相王君造四縣邱碑文字剝缺不可悉識其略
曰唯茲陳國故曰淮陽郡云云王清惠著聞爲百
姓畏愛求賢養七千有餘人賜與田宅更舍自損
奉錢助之成邱五官掾西華陳騏等二百五人以
延熹二年云云故其頌曰修德立功四縣回附今
碑之左右遺墉尚存基礎猶在時人不復尋其碑
證云孔子廟學非也後楚襄王爲秦所滅徙都於
此文穎曰西楚矣三楚斯其一焉城南郭裏又有
一城名曰淮陽城子產所置也漢高帝十一年以
爲淮陽國王莽更名新平縣曰陵陳故豫州治王
隱晉書地道記云城北有故沙名之爲死沙而今
水流津通漕運所由矣沙水又東而南屈逕陳城

東謂之百尺溝又南分於二水沙水出焉溝水東
南流谷水注之水源上承澇陂陂在陳城西北南
暨華城皆爲陂矣陂水東流謂之谷水東逕澇城
北王隱曰犂北有谷水是也犂卽檉矣經書公會
齊宋于檉者也杜預曰檉檉卽犂也在陳縣西北
爲非檉小城也在陳郡西南谷水又東流逕陳城
南又東流入于沙沙水又東南流注于穎謂之交
口水次有大堰卽古百尺堰也魏書國志曰司馬
宣王尉太尉王凌大軍至百尺堰卽此堰也今俗
呼之爲山陽堰非也蓋新水首受穎於百尺溝十
莽名郡爲新平故堰兼有新陽之名也以是推之
悟故俗謂之非也

又東南至汝南新陽縣北

沙水自百尺溝東逕寧平縣之故城南晉陽秋稱
晉太傅東海王越之東奔也石勒追之憤尸於此
數十萬衆斂手受害勒縱騎圍射尸積如白王夷
甫死焉余謂後者所以智勝羣情辨者所以文身
祛惑夷甫雖體荷雋令口擅雌黃汗辱君親獲罪
羯勒史官方之舉正諫為褒矣沙水又東積而為
陂謂之陽都明水注之水入沙水之津東出逕汝
南郡之宜祿縣故城北王莽之賞都亭也明水又
東流北注于陂陂水東南流謂之細水又東逕之
陽縣北又東高被水東出焉沙水又東分為二里
即春秋所謂夷漢之水也枝津北逕譙縣故城南

側城入渦沙水東南逕城父縣西南枝津出焉俗
謂之章水也一水東注即注水也俗謂之欠水也
東逕城父縣之故城南東流注之

又東南過山桑縣北

山桑故城在渦水北沙水不得逕其北明矣經言
過北誤也

又東南過龍亢縣南

沙水故城北又東南逕白鹿城北而東注也

又東南過義城縣西南入于淮

義城縣故屬沛後隸九江沙水東流注于淮謂水
沙汭京相璠曰楚東地也春秋左傳昭公二十七
年楚令尹子常以舟師及沙汭而還杜預曰沙水

名也今兵于常以兵禍又少然而豈其所以少水

少中水時嘗曰葵東也也春林也制即合三十三

水經卷第三十二

又東南流經

沙水也其北又東南

又東南流經

又東南流經

又東南流經

又東南流經

又東南流經

又東南流經

又東南流經

又東南流經

又東南流經

又東南流經

又東南流經

又東南流經

又東南流經

又東南流經

又東南流經

又東南流經

又東南流經

又東南流經

又東南流經

又東南流經

又東南流經

